

Apostasiya sulud sa Nasod

USA KA GUMALAYSAY SA MAKASAYSAYA-
NONG MGA TUDLING-SA-KALAMBOAN

(Visayan Version)

R. B. THIEME, JR.

APOSTASIYA

SULUD SA NASOD

Sa panahon sa apostasiya ang gobyerno nagatinguha sa pagkontrolar sa iyang mga lungsuranon sulud sa tibuuk kinabuhi. Ang gawasnong katawhan gitratar ingon nga mga kriminal, ug ang mga kriminal gitratar ingon nga mga gawasnong katawhan. Ang kagawasan sa paghunahuna, desisyon, ug pagpamulong diin ang Ebanghelyo ug doktrina sa Bibliya mapahayag malangkub ngadto sa mga anino sa panglupig ug kaulipnan.

Ang mga gaway sa sosyalismo ug burokrasya magtuok ug magguba sa kagawasan sa patigayon. Ang kagawasan sa paglampos o pagkapakyas sa kinabuhi pinaagi sa kaugalingong motibasyon ug mga desisyon sa tawo masumpo.

Ang mga tawo dili na moangkon og kaakuhan alang sa ilang kaugalingon nga mga desisyon ug mga binuhatan. Apostasiya ug kadaotan, uban sa pagkatikasan ug pagpa-kaaron-ingnon, imoralidad ug kahakog, kaibog sa gahum ug makaliwatanong pagpihig, mahimong mga kasangkapan sa mga politiko ug ang panagbangi sa hoi polloi.

Ang kapanulundanan sa pagkahimugso-pag-usab gibaylo alang sa plato sa linugaw ni Esau. Ang himaya sa Dios gipulihan sa pagkaarogante sa pagtolon-an sa makatilingbanong-reporma.

Kini nga makasaysayanong mga tudling-sa-kalamboan magsangkap og usa ka sistema sa tentasyon nga nagdani sa natawo-pag-usab nga magtotoo sulud nianang hut-ong sa emosyon og linangkuban sa pagkaarogante nga gitawag og Kristohanong aktibismo. Ang plano sa Dios nalubong diha sa lubnganan sa mga kabus alang sa pagtabon-sa-kasaypanan sa kalibutan sa yawa.

Ang mga magtotoo diha ni Jesu-Kristo nalinga gikan sa pagbuut, plano, ug katuyoan sa Dios alang sa Kapanahonan sa Simbahan pinaagi sa pagtinguha sa pagreporma ni Caesar ug pagbaliwala sa Dios. Sa wadamha ang plano sa Dios alang sa magtotoo natabonan sa mga lawalawa sa pagpasagad ug nabutang sulud sa mga bola sa mini nga doktrina.

Ang espirituhanon nga barahanong-pamatasan nga

maykalabutan sa doktrina sa Bibliya gibaylo alang sa paggukud sa mga alibangbang kansang nipis nga mga pako magpas-an sa bug-at nga palas-anon sa pag-apod-apod pag-usab sa bahandi kaniadto pa sa isla nga gitawag og Utopia.

Ang Kinatas-ang Hukmanan sa Langit nagapadala og mga bidlisiw sa kilat pinaagi sa sistema sa balaod sa kinabubut-ong resposibilidad ug divine nga masilutong lihok ngadto sa masupilong mga anak sa Dios.

Kon kining masiluton nga pag-antos nga gitawag og divine nga disiplina gibaliwala, ug ang karnalidad gipalungtad, ang pildirong-magtotoo nagabatasan sa lahi nga barahan ug nagadawat sa iyang sinyas sa tarutot gikan sa karat nga tingog sa kiniatkiat nga musika ug nagyagaw nga ritmo.

Unsa man ang kabilin ngadto sa mga henerasyon sa apostasiya sulud niining bantugan nga dispensasyon nga gitawag og Kapanahonan sa Simbahan? Ang sala paingon sa kamatayon! Sila nalubong diha sa panas nga yuta sa espirituhanong pagkapakyas diin sa kaniadto kanang matambok nga yuta sa nametabolisar nga doktrina sa Bibliya milalang sa nahibiling-pundok sumala sa pagpili sa grasya—ang dimakitang mga bayani nagtuman sa pagbuut sa Dios pinaagi sa espirituhanong mga mekanika gikan sa plano sa Dios alang sa Simbahan.

Apan karon ang wamabungkag nga mga bugon sa tawhanong pangibog maglubong sa pildirong-magtotoo sulud sa trahedyas sa nawagtang nga oportunidad alang sa pagkahimong mga mananaog-nga-magtotoo ug dimakitang mga bayani.

Ang bugtong baluwarte batok sa pag-asdang sa apostasiya diha sa nasod mao ang magtotoo nga nag-uswag ngadto sa espirituhanong pagkahamtong.

Apan pagtubo diha sa grasya ug kahibalo sa atong Ginoo ug Manluluwas nga si Jesu-Kristo. Alang Kaniya *ang* himaya, sa pagkakaran ug hangtod sa adlaw sa eternidad. Amen. (2 Pedro 3:18)



❖ *Sic transit gloria mundi.* ❖
“Ingon nga mahanaw ang himaya sa kalibutan.”

Ang langit ug yuta mahanaw,
apan ang Akong mga pulong dili
gayud mahanaw. (Mateo 24:35)



R. B. THIEME, JR., BIBLE MINISTRIES

P. O. BOX 460829
HOUSTON, TEXAS 77056-8829
(713) 621-3740
www.rbthieme.org

© 1994 ni R. B. Thieme, Jr. Ang Tanang Katungud Gitagana.

**Ang mga Kasulatan gihubad gikan sa orihinal nga teksto sa
*Apostasy in the Land***

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila ni Amado D. Carejo, David C. Vicoy ug Raflyn H. Salutan.
Gipatik nga may pagtugot sa R. B. Thieme, Jr., Bible Ministries, 2021.